

«Проблемы экономического выравнивания в сельском хозяйстве»,
издательство АН Арм. ССР, Ереван, 1978, 228 с.

«Տնտեսական համահարթման պրոբլեմները գյուղատնտեսության մեջ»,
ՀՍՍՀ ԳԱ հրատարակչություն, Երևան, 1978, 228 էջ:

Զարգացած սոցիալիզմի պայմաններում քաղաքի և գյուղի միջև գոյություն ունեցող էական տարբերությունների հաղթահարման պրոբլեմի լուծման կարևոր կողմերից է գյուղատնտեսության մեջ աշխատողների կյանքի պայմանների տարբերությունների համահարթումը, նրանց աշխատանքի պայմանների և կենսամակարդակի մերձեցումը: Այդ հարցին է նվիրված գրախոսվող ժողովածուն, որը լույս է ընծայել Հայկական ՍՍՀ գիտությունների ակադեմիայի տնտեսագիտության ինստիտուտը՝ տնտեսագիտության դոկտոր Ն. Մանասերյանի ընդհանուր խմբագրությամբ: Նրանում տեղ են գտել չինգ ծավալուն հոդվածներ, որոնցից յուրաքանչյուրում վերլուծվում է քննվող պրոբլեմի այս կամ այն կողմը:

Ժողովածուի առաջին հոդվածը նվիրված է գյուղատնտեսության մեջ եկամտաբերության, կուտակման և սպառման համահարթման հարցերին: Հոդվածի հեղինակ Ն. Մանասերյանն իր հարգադրումները կատարելիս ելնում է այն քանից, որ տարբեր գյուղատնտեսական գոտիներում ու շրջաններում աշխատավորական կոլեկտիվների գործունեության սոցիալ-տնտեսական պայմանների համահարթումը սոցիալիստական էկոնոմիկայի օրյակտիվ օրինաչափություններից է: Այդ պրոցեսի վճռական պայմանը նա իրավացիորեն համարում է արդյունաբերության զարգացման բարձր տեմպերը, որոնց շնորհիվ արագորեն ստեղծվում է նաև գյուղատնտեսության ժամանակակից նյութատեխնիկական բազա: Դրա հետ միասին հոդվածագիրն ընդգծում է, որ բարձր զարգացած արդյունաբերությունն ամբողջությամբ վերցրած համահարթման պրոբլեմի լուծման առավել կարևոր պայման է:

Հոդվածում նետաքրքիր ձևով է լուսարանված կուտնտեսությունների եկամուտների քաշաման և օգտագործման հարցը: Համեմատելով Հայկական ՍՍՀ կուտնտեսություններում աշխատանքի արտադրողականության բարձրացման և աշխատանքի վարձատրության աճի տեմպերը, հեղինակը հանգել է այն եզրույթության, որ հանրապետության մի շարք շրջաններում աշխատանքի արտադրողականության համեմատությամբ աշխատանքի վարձատրության առաջանցիկ աճն օրինաչափ երևույթ է: Դա բնութագրում է տարբեր կուտնտեսություններում աշխատանքի վարձատրության աստիճանական համահարթման պրոցեսը:

Վերլուծելով հանրապետության կուտնտեսություններում աշխատանքի արտադրողականության աճի տեմպերի և աշխատանքի վարձատրության վերաբերյալ բաղձաթիվ նյութեր, Ն. Մանասերյանը եզրակացնում է, որ Հայաստանի կուտնտեսություններում համախառն եկամտի մեջ աշխատանքի վարձատրության ֆոնդի բարձր տեսակարար կշիռը պայմանավորված է կուտնտեսականների օժանդակ տնտեսությունների չափերով, որոնք մյուս հանրապետությունների համեմատությամբ ղդալիորեն փոքր են: Մյուս կողմից, այդ հարցը քննելիս հեղինակը ելնում է ամբողջ երկրի մասշտաբով ժողովրդատնտեսական ցուցանիշներից:

Հոդվածում հատկապես մեծ տեղ է տրված հողային ռեսուրսի պրոբլեմին: Հեղինակն ինքնատիպ մեթոդով որոշում է ոչ միայն դիֆերենցիալ հողային ռեսուրսի, այլև դիֆերենցիալ վնասների չափերը: Այնուհետև Ն. Մանասերյանը քաջահայտում է մեր հանրապետության կուտնտեսությունների գոտիական տնտեսական շերտավորման միտումները և հանգամանորեն լուսարանում այն հարցը, թե ինչպիսին է համահարթման պրոբլեմի և դիֆերենցիալ հողային ռեսուրսի կապը և որն է այդ պրոբլեմի առանձնահատկությունը: Հոդվածագրի հիմնական եզրակացությունը հետևյալն է. համահարթման պրոբլեմի լուծման համար անհրաժեշտ է ոչ թե դիմել գյուղատնտեսական մթերքների մթերման զննքի հետագա շերտավորմանը, այլ դրանք ավելի ու ավելի համապատասխանեցնել գյուղատնտեսական արտադրանքի համար հասարակականորեն անհրաժեշտ աշխատանքային ներդրումներին: Ընդ որում պետք է պահպանվի գյուղատնտեսական մթերքների միասնական զննքի հանրապետությունում գործող կարգը:

Հայտնի է, որ գյուղատնտեսական մթերքների մթերումների միասնական գները տարբեր գոտիներում՝ նրանց ծախսերի տարբերության հետևանքով ստեղծում են վերարտադրության ոչ միատեսակ պայմաններ: Այդ դեպքում ինչպե՞ս պետք է լուծվի համահարթման պրոբլեմը: Ն. Մանասերյանն իրավացիորեն այդ հարցի լուծման ճիշտ ուղին համարում է միատեսակ արդյունքի միասնական գնի սահմանումը՝ արտադրության վատագույն պայմաններում կատարված ծախսերին համապատասխան: Այդպիսի գները վատագույն պայմաններում գործող գյուղատնտեսական ձեռնարկություններին կապահովեն նորմալ եկամուտներով, իսկ միջին և լավ պայմաններում գտնվող կոյտնտեսություններն ու սովխոզները, դրանից բացի, կստանան նաև ռենտային եկամուտներ, որոնք պետությունը կարող է գանձել ֆինանսահարկային համակարգի միջոցով: Դա ավելի կպարզեցնի պետության և գյուղատնտեսական ձեռնարկությունների տնտեսական հարաբերությունները:

Գրախոսվող ժողովածուի երկրորդ հոդվածը նվիրված է գյուղատնտեսական մթերքների սպառման ռեգիոնալ տարբերություններին և դրանց համահարթմանը: Հոդվածի հեղինակ տնտեսագիտության դոկտոր Հ. Կարճիկյանը տեսական և մեթոդական հարցերը հետորեն դասակարգել է մեր երկրում սննդամթերքի սպառման ռեգիոնալ տարբերությունների պատճառների վերլուծությանը և այդ հիման վրա կատարել գիտական լուրջ ընդհանրացումներ:

Հեղինակը տեսական պլանով քննում է արտադրության զարգացման և սպառման աճի օրինաչափությունները, դրանց միջև գոյություն ունեցող հակասությունները, պահանջմունքների և վճարունակ պահանջարկի փոխադարձ կապն ու պայմանավորվածությունը: Այդ կապակցությամբ հոդվածում լուսարանվում է նաև բնակչության թվաքանակի աճի և պահանջմունքների աճի կապը: Այնուհետև հոդվածի հեղինակն ուսումնասիրում է հիմնական սննդամթերքների արտադրության ռեգիոնալ տարբերությունները, հանգամանորեն վերլուծում մեր երկրում սննդամթերքի սպառման կառուցվածքը, բացահայտում այդ կառուցվածքում դրական փոփոխությունների պատճառները ինչպես ամբողջ երկրի, այնպես էլ միութենական հանրապետությունների և առանձին տնտեսական շրջանների մասշտաբով:

Հոդվածում քննվում է նաև սպառման համահարթման պրոբլեմը՝ ըստ երկրի ռեգիոնների: Ընդ որում, նշվում է, որ ընայած հիմնականում բնական պայմանների, ինչպես նաև դեմոգրաֆիական և սոցիալ-տնտեսական բնույթի գործոնների հետ կապված մի շարք առանձնահատկություններին, առաջիկայում ևս կշարունակեն գոյություն ունենալ տարբեր շրջանների տնտեսական զարգացման, այդ թվում սննդամթերքի սպառման էական տարբերություններ, որոնց հաղթահարումը տեղի կունենա աստիճանաբար: Հեղինակի բերած բոլոր փաստարկները համոզիչ են, իսկ եզրակացությունները՝ միանգամայն ընդունելի:

Հոդի տնտեսական գնահատման և դրա համահարթման պրոբլեմը ներկայումս ձեռք է բերել առանձնահատուկ նշանակություն: Դա պայմանավորված է թերևս այն բանով, որ վերարտադրության պայմանների համահարթման տնտեսական մեխանիզմի կատարելագործման, տարբեր բնական գոտիներում կոյտնտեսությունների ու սովխոզների աշխատանքի եկամտաբերության բարձրացման առավել հավասար պայմանների ստեղծման հիմքը հողի տնտեսական գնահատումն է: Հենց այդ հարցին է նվիրված ժողովածուի մյուս հոդվածը, որի հեղինակն է տնտեսագիտության թեկնածու Լ. Աղամյանը: Նրանում հեղինակը նախ ցույց է տալիս հողի տնտեսական գնահատման հիմնական ուղղությունները: Այնուհետև նա վերլուծում է հողի տնտեսական գնահատման մեթոդիկան, լուսարանում մեր հանրապետությունում հողագնահատման աշխատանքների պրակտիկան, ելնելով հողի գնահատումից, քննում գյուղատնտեսական մթերքների մթերումների պլանավորման հարցը և որոշում դիֆերենցիալ եկամուտների սահմանման ձևերը:

Հոդվածում առաջ քաշված առավել հետաքրքրական պրոբլեմներից մեկը տարբեր պայմաններում գտնվող գյուղատնտեսական ձեռնարկությունների վերարտադրության հնարավորությունների համահարթման գործում հողի տնտեսական գնահատման արդյունքների օգտագործման հարցն է: Այդ առիթով հեղինակն առաջարկում է մեթոդական մի շարք ուղադրավ լուծումներ, որոնք արժանի են ոչ միայն տնտեսագետ-գիտնականների, այլև գյուղատնտեսության ղեկավար աշխատողների ու մասնագետների ամենալայն ուշադրությանը:

Ժամանակակից գիտատեխնիկական առաջադիմությունը բնորոշ է առարկայացած աշխատանքի՝ արտադրության միջոցների աճող դերը: Գրախոսվող ժողովածուի հաջորդ հոդվածը, որի հեղինակն է տնտեսագիտության թեկնածու Մ. Նրոյանը, նվիրված է հենց այդ հարցին: Մեծ քանակությամբ վիճակագրական նյութերի և սեփական ուսումնասիրությունների հիման

վրա հեղինակը բացահայտում է ՍՍՀՄ-ում և Հայկական ՍՍՀ-ում կենդանի և առարկայացած աշխատանքի հարաբերակցությունը: Այնուհետև նա քննում է երկրում և մեր հանրապետությունում գյուղատնտեսության ֆոնդազինվածության և էներգազինվածության դինամիկան: Նա արտադրության տարրեր ոյուղերի, ինչպես նաև դանադան ձեռնարկությունների զարգացման պայմանների տնտեսական համահարթման նյութական հիմքն իրավադիրքեն համարում է նյութատեխնիկական միջոցներով ապահովվածության տնտեսական հավասար պայմանների ստեղծումը: Հեղինակը լայնորեն քննում է նաև ֆոնդազինվածության և էներգազինվածության բնագավառում արդյունաբերության և գյուղատնտեսության, կոլտնտեսությունների և սովխոզները մերձեցման հարցերը: Հստակորեն որոշում այդ մերձեցման ուղիներն ու փուլերը:

Ժողովածուի վերջին հոդվածում ամենից առաջ տրվում է գյուղատնտեսության աշխատողների մասնակալից մասնագիտական կառուցվածքի մանրամասն բնութագիրը: Այստեղ գյուղատնտեսության կադրերի մասնագիտական ձևավորման դինամիկան քննվում է գյուղատնտեսական արտադրության ինտենսիվացման գործոնների, գիտատեխնիկական առաջադիմության արագացման և աշխատանքի մասնագիտական բաժանման զարգացման հետ սերտորեն առնչված: Հոդվածի հեղինակը՝ տնտեսագիտության թնկնածու Ռ. Իսախանովը, գյուղատնտեսության մեջ գիտատեխնիկական առաջադիմության կարևորագույն ուղղություններից մեկը համարում է մտավոր աշխատանքով զբաղվողների թվի ավելացումը և ձեռքի աշխատանք կատարողների թվի կրճատումը: Հոդվածագիրը հատուկ ուշադրություն է նվիրել աշխատանքի բնույթի փոփոխության հարցերին: Նա համոզիչ կերպով ցույց է տալիս, որ գիտատեխնիկական առաջադիմությունն ամենուրեք, այդ թվում գյուղատնտեսության մեջ, նորանոր պահանջներ է առաջադրում աշխատողների որակավորման բարձրացման նկատմամբ: Այդ պրոցեսի առավել բնորոշ կողմերից մեկը հեղինակը համարում է գյուղատնտեսության մեջ որակյալ և բարձր որակյալ կադրերի ավելացումը: Գյուղատնտեսության աշխատողների մասնագիտական կառուցվածքի փոփոխությունների պրոցեսի ուսումնասիրության հետ միասին Ռ. Իսախանովը քննում է նաև նրանց պրոֆեսիոնալական կրթության բարելավման հարցերը և առաջարկում է մի շարք բնորոշ միջոցառումներ:

Մեր կարծիքով, ժողովածուի մեջ տեղ են գտել որոշ խնդիրներ: Այսպես, օրինակ, այնտեղ նշված է, որ ռենդկա փուլում և հետաքննարկում համահարթման հարցադրումը և նրա լուծման կոնկրետ ուղիների հիմնավորումը սովխոզային սեկտորի համար ձեռք է բերում ոչ պակաս կարևոր նշանակություն, քան կոլտնտեսային համարս (էջ 28): Մեզ թվում է, որ այդ դրույթը վիճելի է: Բանն այն է, որ վերարտադրության բոլոր ասպեկտներում կոլտնտեսությունների և սովխոզների միջև կան և առաջիկայում նույնպես կլինեն զգալի տարրերություններ: Հայտնի է, նաև, որ տնտեսական համահարթման մեխանիզմի համակարգում կարելի է նշանակություն ունի ֆինանսական լծակների կատարելագործումը և նպատակահարմար օգտագործումը: Ամենից առաջ նկատի ունենք մթերման զնները, եկամտահարկը և այլն, որոնց հետագա կատարելագործման հարցում մեծ դեր է պատկանում հողի տնտեսական զնահատմանը: Իժրախտարար, այդ հարցերի վերաբերյալ ժողովածուի մեջ մեթոդական մշակումներ չկան:

Ամփոփելով նշենք, որ ռենտեսական համահարթման պրոբլեմները գյուղատնտեսության մեջ՝ գիտական հոդվածների ժողովածուին արժեքավոր ուսումնասիրություն է: Նրանում տեղ գտած բոլոր հոդվածները միավորված են և՛ հետազոտության առարկայով, և՛ հետազոտության նպատակով: Հեղինակներն առաջ են քաշել խիստ ուշադրավ հարցեր և դրանք լուծել տեսական բարձր մակարդակով: Տարակույս չկա, որ ժողովածուն օգտակար կլինի տնտեսագետների, մանավանդ գյուղատնտեսության մեջ վերարտադրության պրոբլեմներով զբաղվողների լայն շրջանների համար:

ՄԻՀՐԱՆ ԳՐԻԳՈՐՅԱՆ

Տնտեսագիտության բեկհածու